

**Kalaallit Nunaanni ajoqusersinnaanermut sillimmasiisarfinni, qularnaveeqqusiinermut
aningsaateqarfimmut tapiissutinut tunngatillugu nalunaarut**

Peqqussut nr.685, 27. juni 2008-meersoq naapertorlugu § 3, imm. 10-mi Kalaallit Nunaannut ajoqusersinnaanermut sillimmasiisarfinni, qularnaveeqqusiinermut aningsaateqarfimmut tapiissutinut tunngatillugu nalunaarummi atuuttussanngortinneqartumi peqqussut nr. xx, xx-meersoq aqutigalugu, aaliangerneqarpoq:

Atuutsitsiffissat

§ 1. Nalunaarut pineqartoq sillimmasiisarfinnut makkununga atuuttussanngortinneqarpoq:

- 1) Ajoqusersinnaanermut sillimmasiisarfiit toqqaannartumik sillimmasertinniartumut isumaqatigiissusiortartut, Finanstilsynimit Kalaallit Nunaanni sullimmasiisarfiittut ingerlatsinissamut akuerisaasut.
- 2) Sillimmasiisarfiit toqqaannartumik sillimmasertinniartunik isumaqatigiissusiortartut immikkoortortaarfii nunani EU-p iluaningarneertuusut imal. EU-mit aningaaserinermut atatillugu nunamik isumaqatigiissuteqarfigineqarsimasumit aallaaveqartut Kalaallit Nunaanni angerlarsimaffeqartut.
- 3) Sillimmasiisarfiit toqqaannartumik sillimmasertinniartunik isumaqatigiissusiortartut EU-p ataani nunami imal. nunami aningaaserisinnaanermik isumaqatigiissuteqarfigineqarsimasumi angerlarsimaffeqartut, Killeqarfiit akimorlugit sullissisinnaanermik Kalaallit Nunaanni sillimmasiinermik suliaqarnissamik isumaqatigiissusiortarfigineqarsimasut.
- 4) Sillimmasiisarfiit toqqaannartumik sillimmasertinniartunik isumaqatigiissusiortartut, Finanstilsynimit sulinerimi ajoqusersinnaanermut sillimmasiinermik ingerlatsinissamut akuerineqarsimasut.
- 5) Sillimmasiisarfiit toqqaannartumik sillimmasertinniartunik isumaqatigiissusiortartut, Finanstilsynimit sulinerimi ajoqusersinnaanermut sillimmasiinermik ingerlatsinissamut akuerineqarsimasut EU-p iluani nunami EU-milluunniit isumaqatigiissuteqarsimasut immikkoortortaarfii Kalaallit Nunaanni inissisimasut.
- 6) Sillimmasiisarfiit toqqaannartumik sillimmasertinniartunut isumaqatigiissusiortartut nunami EU-mi ilaasortaasumi allamiluunniit aningaaserinermut attuumassuteqartunik suliaqarnissamut isumaqatigiissuteqarfigineqarsimasuni, Kalaallit Nunaanni sulinerimut atatillugu

ajutoorsinnaanermut sillimmasiisinaanermik killeqarfiit akimorlugit sullissinermik ingerlatsivittut nalunaarutigineqarsimasut.

Imm. 2. Nalunaarut atuutinngilaq ajoqusersinnaanermut sillimmasiisarfinnut nr. 2 aamma 3-mi taaneqarsimasunut, taamaallaat motorinut atatillugu sillimmasiinermik Kalaallit Nunaasni suliaqartunut.

Tapiissuteqarnissamut pisussaatitaaneq

§ 2. Sillimmasiisarfiit § 1, imm. 1-imi taaneqartut, ajutoorsinnaanermut sillimmasiisarfiit (*Aningaasaateqarfik*) Aningaasaateqarfittut Qularnaveeqqusiisarfimmuq tapiissuteqarnissamut pisussaatitaapput, takuulli § 1, imm. 2.

Imm. 2. Sillimmasiisarfinnut § 1, imm. 1, nr. 1 aamma 4-mi taaneqartunut, tapiissuteqarnissamik imm. 1 malillugu tapiissuteqarnissamut pisussaaffik atuutsinneqalissaaq, Finanstilsynimit suliffeqarfik Kalaallit Nunaanni immikkoortortaqarfiliornikkut imal. killeqarfiit avaqqullugit sullissivittut ingerlanissatut nalunaarutigineqareerpat.

Imm. 3. Sillimmasiisarfik siullermeersumik Aningaasaateqarfimmuq tapiissummik akiliissaaq kvartali aallartiffini aallarnerfigalugu, Finanstilsynimit ingerlatsisinaanermut akuerineqaruni imal. ingerlatsisussaaq Kalaallit Nunaanni sillimmasiinermik suliaqarnissamut nalunaarutigineqareerpat immikkoortortaqarnikkut imal. killeqarfiit akimorlugit kiffartuussinermik suliffeqarfittut nalunaarutigineqareerpat.

Tapiissuteqarnissamut pisussaatitaaneq unippat

§ 3. Sillimmasiisarfiit § 1, imm. 1-imi taaneqartut, § 2, imm. 1 naapertorlugit tapiissuteqarnissamik piumasaaqarfigineqarunnaassapput, ukioq naatsorsuusiorfiusoq suliffeqarfittut ingerlaviusoq naappat.

Imm. 2. Sillimmasiisarfiit § 1, imm. 1-imi, nr. 2 aamma 3-mi taaneqartut, § 2, imm. 1 naapertorlugit tapiissuteqarnissamik pisussaaffiligaanerat unissaaq, ukiup naatsorsuusiorfiusup naanerani, Kalaallit Nunaanni sillimmasiisarfittut ingerlajunnaartutut nalunaarutigineqarpat, immikkoortortaqarfeqarnikkut imal. killeqarfiit akimorlugit sullissivittut ingerlajunnaartutut nalunaarutigineqarneraniit imal. pineqartoq Finanstilsynimit suliffeqarfik Kalaallit Nunaanni ingerlatsisinnaajunnaartinneqarpat.

Imm. 3. Sillimmasiisarfiit § 1, imm. 1 nr. 4-mi, § 2, imm. 1 naapertorlugit tapiissuteqarnissamik pisussaaffiligaanerat unissaaq ukiup naatsorsuusiorfiusup naanerani ingerlatsisuusup suliffeqarfittut atorunnaarnerani.

Imm. 4. Sillimmasiisarfiit § 1, imm. 1-imi, 5 aamma 6-imi, § 2, imm. 1 naapertorlugu tapiissuteqarnissamik pisussaaffiligaanerat unissaaq, ukiup naatsorsuusiorfiusup naanerani, Kalaallit Nunaanni sillimmasiisarfittut ingerlajunnaartutut nalunaarutigineqarpat, immikkoortortqarfeqarnikkut imal. killeqarfiit akimorlugit sullissivittut ingerlajunnaartutut nalunaarutigineqarneraniit imal. pineqartoq Finanstilsynimit suliffeqarfik Kalaallit Nunaanni ingerlatsisinnaajunnaartinneqarpat.

Imm. 5. Apeqqutaatinnagit imm. 1-4 allassimasut, § 2, imm. 1 naapertorlugit tapiissuteqarnissamik pisussaaffeqartitaaneq atorunnaassaaq, ukiup naatsorsuusiorfiusup naanerani, Aningaasaateqarfik tapiissutaasartut tunngavigalugit 300 mio. kr.-nik peqalersimappat, tunngavigalugit sillimmasiissutit § 4, imm. 1-imi taaneqartut, motorinut sillimmasiinermit akiliutit 100 mio. koruuniulersimagaangata, tak. § 5, imm. 1, aamma sulinermit ajutoorsinnaanermut sillimmasiinermit akiliutit kr. 200 mio. ninngorsimaleraangata, tak. § 7, imm. 1.

*Atuisartut sillimmasiinerat aqqutigalugit tapiissutit allallu assingusutut sanilliunneqarsinnaasut
natsorsorneri*

§ 4. Ajutoorsinnaanermut sillimmasiisarfiit § 1, imm. 1 nr. 1-3 mi taaneqartut eqqarsaatigalugit, Aningaasaateqarfiusumut sillimmasiisummut ataatsimut Kalaallit Nunaanni pilersinneqartumut Kalaallit Nunaanni navialiffiusinnaasunut tunngasut ataasiakkaat makkuupput:

- 1) Immineq akiliutitaqartumik motorinut sillimmasiissusiat.
- 2) Ilaqtariinnut sillimmasiissusiat.
- 3) Illorisanut sillimmasiissusiat.
- 4) Peqqissutsimut atatillugu sillimmasiissusiat.
- 5) Pigisat nuunnerinut sillimmasiissusiat.
- 6) Tunisisutut akisussaasuunermut sillimmasiissusiat.
- 7) Sanaartukkat ajutoorsinnaanerinut sillimmasiissusiat.

Imm. 2. Ajutoorsinnaanermut sillimmasiisarfik § 1, imm. 3, nr. 1-3 mi taaneqartunut atatillugu, sillimmasiissusioriaatsit assigiinngitsut imm. 1-imi taaneqartut akuliussorlugit sillimmasiissusianik peqartoq imal. pilersitami a-taatsimi inuit allalluunniit ataasiakkaat tunngaviutillugit,

ajutoorsinnaanermut sillimmasiisarfik sillimmaserneqarsinnaasunut ataasiakkaanut tamanut aaliangersimasumik angissusiligaasumik akiliuteqartassaaq.

Imm. 3. Imm. 1 aamma 2 nutaamik sillimmasiissusiornermi sillimmasiissusiamilluunniit nutaamik pilersitsinermi, imm. 1-imi taaneqartut naapertorlugit atuutsinneqassapput.

§ 5. Ajutoorsinnaanermut sillimmasiisarfiit § 1, imm. 1 nr. 1-imi taaneqartut, § 4, imm. 1 naapertorlugu pisussaaffiligaasut, Aningaasaateqarfiusumut sillimmasiissusianut tamanut aaliangersimasumik akiliuteqartassapput pineqartillugit motorinut akisussaasutut sillimmasiissusiaasut, pineqartillugit Kalaallit Nunaanni sillimmasiissusiorlut aammalu pineqartillugit nunat EU-mi ilaasortaasut sillimmasiissusiaat imalunniit pineqartillugit nunat aningaaserinermut atatillugu Union-imik isumaqatigiissuteqarsimasut.

Imm. 2. Ajutoorsinnaanermut sillimmasiisarfiit § 1, imm. 1, nr. 1-imi taaneqartut sillimmasiissusiami ataatsimi motorimut akisussaasuunermut sillimmasiissusiamik ilaqartitsisut, tak. imm. 1, ilanngullugit sillimmasiissusioriaatsit, § 4, imm. 1-imi taaneqartut imal. sillimmasiissusiami ataatsimi ilanngullugit inuit allalluunniit arlaqartut, taava sillimmasiisarfik pineqartoq sillimmasiissusiap iluani sillimmasiissusiorfigineqarsimasut assigiinngitsut tamaasa tunngavigalugit sillimmasiissusiamut atatillugu akiliummik aaliangersimasumik akiliisassapput.

Imm. 3. Imm. 1 aamma 2 atuutsinneqassapput nutaamik sillimmasiissusiorartoqartillugu aammalu motorinut akisussaasuunermut sillimmasiissusiamik nutarterisoqartillugu aammalu pineqartillugit sillimmasiissusioriaatsit imm. 1-imi taaneqartut.

§ 6. Finanstilsynemit ukiumut ataasiarluni nalunaarutigineqartarpoq sillimmasiissusiamut ataatsimut akiliutissap ajutoorsinnaanermut sillimmasiisarfiit naatsorsuinerminni tunngavigissassaat. Finanstilsynillu nalunaaruteqarnera kingusinnerpaaamik pissaaq sillimmasiisarfiit akiliinissaannut ukiup affaa sioqqullugu.

Imm. 2. Ajutoorsinnaanermut sillimmasiisarfiit Aningaasaateqarfimmut tapiissummik akiliinissaat pisassaaq kingusinnerpaamik 1. maj, 1. august, 1. november og 1. februar pineqartillugit sillimmasiissusiat § 4, imm. 1 aamma § 5, imm. 1-imi allassimasut naapertorlugit akiligassat aaliangiisoralugit sillimmasiisarfiit nutaamik sillimmasiissusiuugarisimasaat imal. nutartersimasaat kvartal 1, 2, 3 aamma 4-mi pisimanersut. Ajutoorsinnaanermut sillimmasiisarfiit Aningaasaateqarfimmut akiligassaat siullesq imm 1, naapertorlugu akilerneqassaaq ulloq imm. 1 malillugu Finanstilsynip ilisimatitsissuteqarneranit qaammatit siulliit 6-it qaangiunneranni.

Imm. 3. § 4, *imm.* 1 aamma § 5 *imm.* 1-imi taaneqartut Ajutoorsinnaanermut sillimmasiisarfiit akiligassatik sillimmasiissusiamut ataatsimut sillimmasiissusiortitsisunut naapertorlugit sillimmasiissusiortitsisimasunut imal. sillimmasiissusiaminnik nutarterisimasunut sillimmasiisarfiup Aningaasaateqarfimmut akileqqusinnaavai.

Imm. 4. naapertorlugu akiliutit akileqquneqartut sillimmasiissusiortitsisumut piffissaliussaq siusinaarlugu atorunnaarsinneqaraluarpalluunniit utertinneqarsinnaangillat.

Ajutoorsinnaanermut sillimmasiissusianut tapiissutit naatsorsorneri

§ 7. Sillimmasiisarfiit § 1, *imm.* 1-imi taaneqartut, ajutoorsinnaanermut sillimmasiisarfiittut sulinissamut akuerisaasut, Aningaasaateqarfimmut akiliuteqartassapput ajutoorsinnaanermut sillimmasiissusiaasut ataasiakkaarlugit katinnerat tunngavigalugu.

Imm. 2. *Imm.* 1 tunngavigalugu tapiissuteqartussaataaneq atuuppoq sillimmasiissusiunneqarsimasumut ajutoorsinnaanermut sillimmasiissusiunneqarsimasumut piffissaq tamakkerlugu sillimmasigaasunut aamma piffissap ilaannaani sulisunut sillimmasiissusiunneqarsimasunut. Piffissaq tamaat ajutoorsinnaanerup ataani sillimmasiissusiunneqarsimasoq tassaavoq, sillimmasiissusiortitsisumi ukiumut minnerpaamik akunnerit 1.796-it sulisartoq. Ajutoorsinnaanermut sillimmasiussap ataani sillimmasiissusiunneqarsimasunut, sillimmasiissusiortitsisumi ukiumut akunnerit 1.796-it inorlugit sulisartumut, sulinerata piffissaq tamakkerlugu sulinermut aggorningorlugu qanoq annertutigisumik sulisarnera naatsorsorneqassaaq.

Imm. 3. *Imm.* 1-imi allassimasut naapertorlugit sillimmasiisarfiit Aningaasaateqarfimmut siumoorlutik akilertassavaat, akiliutissat tunngavigalugit qassiunerinik missingiuusiat sullivimminni ajutoorsinnaanermut sillimmaserneqarsimanerat, nutaamik sillimmasiissusiornikkut imalunniit kvartalip iluani nutartikkamik sillimmasiunneqarsimanerat tunngavigalugit. Sillimmasiissusiap naanerani aningaasaateqarfimmut tapiissutit qassiunerat kisitsisilerneqaraangat akiliutigineqarsimasut nalimmassarneqartassapput, Nalimmassaanerit pisassapput kvartalikkuaartumik, taamaaliornikkut kvartalit ataasiakkaat ukiup tulliani taamaaliffiani nalimmassarneqartassallutik.

Imm. 4. Aningaasaateqarfik sillimmasiisarfinnut nalimmassaanissamut piffissaliussat iluini allannguisinnaapput, tak. § 8, *imm.* 3, taamatullu pisoqarsinnaavoq sillimmasiisarfiit ataasiakkaat immikkut akuerineqarnissamik qinnuteqarlutik nalunaaruteqaraangata piffissaatillugu

sillimmasiisarfiimmit sillimmasiissusiorsimanerit qularnaatsumik qanoq amerlatigisimanerinek paasissutissanik pisinnaasimanatik.

§ 8. Finanstilsynimit Aningaasaateqarfik ukiumut ataasiarluni nalunaarfigineqartassaaq ajutoorsinnaanermut sillimmasiinermi sillimmaserneqarsimasumut ataatsimut qanoq annertussuseqarnerseq, taanna Sillimmasiisarfiit Aningaasaateqarfimmut tapiissummik akiliuteqarnissaannut tunngaviusussaammat. Finanstilsynillu tamanna nalunaarutigissavaa kingusinnerpaamik sillimmasiisarfiit tapiissutissamik akiliinissaat qaammatinik arfinilinnik sioqqullugu.

Imm. 2. Sillimmasiisarfiit tapiissutitut sulinermi ajutoorsinnaanermut sillimmasiissusiarititaannut nutaatut nutarteralunilu aaqqitaminnut akiliutissartik Aningaasaateqarfimmut kvartalimi sorlarmi 1, 2, 3 4-miluunniit pisimaneeri aaliangiisoralugit akilissavaat kingusinnerpaamik 1. maj, 1. august, 1. november aamma 1. februar. Sillimmasiisarfiillu tapiissutitut akiligassatik Aningaasaateqarfimmut siullermik akilissavaat, tak. imm. 1, ullormi imm. 1 Finanstilsynimit imm. 1 naapertorlugu qaammatinik arfinilinnik sioqqutsisumik nalunaaruteqarneranit.

Imm. 3. Sillimmasiisarfiit ukiumoortumik Aningaasaateqarfimmut kvartalikkaartumik siumoortumik tapiissutitut akiliutigisartagaannik nalimmassaasassaaq, tak. § 7, imm. 3,2 aamma imm. 3. Nalimmassaanerit ingerlanneqartassapput 1. 2. 3. aamma 4. kvartalini tapiissutitut akiliutit akilerneqarneri malillugit, apeqqutaatinnagu kvartalimi ingerlatsiviusumi sillimmasiisarfik pineqartoq Aningaasaateqarfimmut akiliuteqartussaannersoq.

Imm. 4. Sillimmasiisarfiit sillimmasiissusiortunut nutaamik pilersitsisunut imal. sulinermi ajutoorsinnaanermut sillimmasiissusiamut nutarterisumut sillimmasiinerit ataasiakkaat aallaavigalugit, Aningaasaateqarfimmut akiliutissani, akileqqusinnaavai.

Imm. 5. Imm. 4 naapertorlugu akiliutaasut sillimmasiissusiortumut utertinneqassanngillat sillimmasiineq piffissaliusaaq sioqqullugu unikkaluarpalluunniit, takukkilli § 7, imm. 3,2 aamma imm. 3-mi allassimasut, kingornalu akileqqusissutit sillimmasiinerup qaangiunnerani sillimmasiinerit qassiunerit eqqortut aallaavigalugit kingumut nalimmassarneqassapput.

Atuutilerfissaa

§ 9. Nalunaarut atuutilissaaq 1. juli 2024 ulloralugu.

Finanstilsynet, ulloq xx 2023

Louise Caroline Mogensen

/ Birgitta Nielsen